

佛祖歷代通載卷第三十五

本五

嘉興路大中祥符禪寺住持華亭念常集

正月抄數戶計○庚寅九月日大赦  
五月廿三日詔改按察司曰肅政廉訪司  
十月二十二日大赦

本五

至元三十年杭州徑山雲峯和上示寂師

名妙高福之長溪人父諱嘉家世業儒母  
阮夢池上嬰兒合爪坐蓮華心手捧得之  
覺而生師因名夢池神采秀徹嗜書力學  
尤耽釋典固請學出世法父母以夢故不  
能奪俾從吳中雲夢澤公受具戒師銳意  
求道首參癡絕冲冲曰此兒語纏纏有緒  
吾宗瑚璉也尋又見無準於徑山準尤器  
愛擬以侍職處師嘆曰懷安敗名吾不偏  
參諸方不止也遂之育王見偃溪即請入

侍室掌職藏鑰一日溪舉譬言如牛過窓櫺  
頭角四蹄俱過了因其尾巴過不得師割  
然有省答曰鯨吞海水盡露出珊瑚枝偃  
溪可之會師遷南屏携師與俱尋住宜興  
大蘆遂爲嫡嗣遷保安江陰教忠善川何

山雲衲四來三堂皆溢蒋山虛次直指僉  
議無以易師朝旨從之歷十有三載衆踰  
五百德祐乙亥寺被兵革軍士有迫師求  
金者師曰此但有寺有僧無金與汝俄以  
刃擬師師延頸曰欲殺即殺吾頭非汝矟

刀石鋒氣雍容了無怖畏軍士感動擲刃  
玄丞相伯顏公見師加敬舍牛百齋糧五  
百寺賴以濟顏公又戒諸將此老非常人  
比宜異目待之以故寺得無恙至元庚辰  
雙徑延請師懇辭再三乃前寺羅圓祿草

創纔什一師悉力興建且捐衣盃自爲僧堂衆察不十年悉復舊觀戊子春魔事忽作教徒譖毀禪宗師聞之嘆曰此宗門大事吾當忍死以爭之遂拉一二同列趨京有旨大集教禪廷辨上問禪以何爲宗師

本五

二

奏淨智妙圓體本空寂非見聞覺知思慮分別所能到宣問再三師歷舉西天四七東土二三達磨諸祖南能北秀德山臨濟棒喝因緣大抵教是佛語禪是佛心正法眼藏涅槃妙心趣寂上乘孰過於禪詞指

明辯餘二千言又宣進榻前與仙林諸教徒返復論難林問禪宗得法幾人師云從上佛祖天下老和上盡恒河沙莫窮其數林云只這是誰師云舍元殿上更覓長安又問如何是禪師打一圓相林不省師曰

只這一圓透不過說甚千經萬論林辭屈上大說衆喙乃熄禪宗按堵如初陞辯南歸示衆云我本深藏岩竇隱遯過時不謂日照天臨難遇至化又云衲被蒙頭萬事休此時山僧都不會徑山輪奐甫備延燎

復盡師謂衆曰吾負此山債耳遂竭力再建匯斂坡爲池它屋皆易置佳處五年而成癸巳六月初小參訓飭學者十七日書偈而逝師生於嘉定己卯二月十七日壽七十五臘五十九葬於寺西之居頂庵

本五

三

辛甲至元三十一年上崩

世祖皇帝潛龍時出征西國好生爲任迷徑遇僧開途受記由是光宅天下統御萬邦大弘密乘尊隆三寶

帝潛龍時命忠書記叩六丁之靈求治國

之道出征江南書記奏云飛龍之時已至

可速回轉上然之猶是富有天下

帝問帝師云施食至少何能普濟無量幽

冥帝師云佛法真言力猶如飲馬珠

帝迎栴檀瑞像歸內宮安奉萬歲山仁智

殿爲見世之寶

帝嘗問帝師云脩寺建塔有何功德帝師  
云福廕大千由是建仁王護國寺以鎮國

焉

帝命帝師齋竟天雨金花繽紛而下帝云

何故有此祥瑞帝師云陛下心花內發天

雨金花讚歎

帝命伯顏丞相攻取江南不克遂問膽巴

師父云護神云何不出氣力奏云人不使

不去佛不請不說帝遂求請不日而宋降

定光佛塔毫光發現

帝命開視內有舍利光耀人目由是重建

寶塔

蜀僧元一遊西天回朝

帝問云西天佛有麼元一奏云當今東

土生民主何異西天悉達多

元一以西天琢成玉石佛像獻

帝帝寶之於萬歲山供養

元一以西天貝多葉經獻

帝帝貯以七寶函嚴加信仰

本五

忠書記僧中之傑

四

帝命以三奇之道爲輔出號施令帝加信

任封爲太保

元一自西天持佛如來鍊鉢獻

帝帝悅寶之以鎮庫藏

帝與帝師坐次一亢二僧侍側帝云何不遊戲三昧亢以一年小云從小至大爲次

一遂云海青身至小天鵝身至大海青徹天飛天鵝生懼怕亢云猪狥身至小象王身至大象見狥來欺擲向大千界帝師云

我以大千界化爲一金龜煮你四件物大小都容了帝大悅

帝問元一云孔老徒衆何以至少如來徒衆何以至多元一奏云富嫌千口少貧恨一身多

如何因奏云我皇有護法之心此經爭得焚燒帝悅其言

帝誕生太子詔海雲國師摩頂立名奏云世間最尊貴無越於真金

帝命東宮圍場齋帝師作懺悔帝師云衆

生度脫盡仁王悲願深

帝設資戒大會隨處放光帝問帝師云光從何處來帝師回奏云感應道交佛光應現

帝命皇后娘娘鎮國寺行香后問衆僧云

帝問揀壇主云何處有佛揀奏云我皇即是佛帝云朕如何是佛揀云殺活在於手乾坤掌上平

帝問彌陀和上云和上住在何處奏云住在我王神州帝云恁麼則時時見彌陀

諸處放光此處何無言訖定光塔上毫光  
燭天終日不散  
帝以衆綵女圍繞帝師帝問云還也動心  
悅  
麼帝師云目前雖可看爭奈老僧何帝大

帝問淵總統還有眷屬無回奏云終日不  
曾離又問還食酒肉無淵奏云鉢盂常染  
腥膻味帝云好老實人  
新築京城監築者謀毀海雲國師塔兩雉  
相合奏

帝欲去其塔帝云海雲高僧築城圍之貴  
僧之德千古不磨  
帝一日曰栴檀瑞像現世佛寶當建大刹  
安奉庶一切人俱得瞻禮乃建大聖壽萬  
安寺

帝命寫金字藏經卷軸前圖像未定帝云  
此經是釋迦佛說止畫說主庶看讀者知  
有所自

帝詔遍天下每一歲中行布施度僧讀大  
藏經隨處放光現瑞禎祥不一

帝詔講華嚴大德於京城大寺開演彰顯  
如來之富貴

帝設大會七處放光顯示華嚴七處之玄  
旨

帝問衆臣僚每日還不放閑也無衆臣僚

無對帝乃袖中出數珠示之內外百官皆  
歸至善

釋迦如來住世七十九年

帝至七十九歲乃云與佛同壽不爲夭矣

帝詔十高僧內殿供養帝端居不動諸大

德亦復默然帝乃云此是真實功德

帝詔僧大內念經行香侍臣奏云僧多有不識字或乃云但教舒展拭去塵埃亦有功德糠禪背杖戒身見

帝帝問曰此杖何爲因奏云身有過失以

本五

七

杖責之帝曰過失在心鞭身何益與其責

身莫若責心

帝見僧有過不加王法止令閱教懺悔

帝詔東昌大師演教帝大悅賜以寶玉柱

杖

帝平宋已被境教不流通天下揀選教僧

三十員往彼說法利生由是直南教道大興

帝建大聖壽萬安寺帝制四方各射一箭以爲界至

帝大內皆以真言梵字爲嚴飾表行住坐臥不離捨佛法也

帝賜講人紅僧衣令說法人與佛齊等蜀僧圓證見

帝帝問汝何所習因奏云幼明三奇長習

佛乘上悅賜以碧玉香鼎命崇香火

帝萬機之暇自奉施食持數珠而課誦

帝建大聖壽萬安寺成兩廊擬塑佛像監脩官聞奏帝云不湏塑泥佛只教活佛住

帝禦北征護神現身陣前怨敵自退

廣濟大師皇宮親侍日久禮誦不輟

帝深賞讚賜以放光佛像命敬侍供養

帝問相士山水士奏云善惡由山水所主帝問太行山如何相士奏云出姦盜帝云何以夫子在彼生帝召僧圓證問云此人

山水說得是麼證回奏云善政治天下天

下人皆善山水之說臣僧未曉帝大悅

舍羅薩張大師志慕出家

帝從其請落髮爲僧賜七寶數珠命供日

課

本五

帝詔蜀僧圓證明六神之術上曰髡髮恐無靈驗回奏云此六者天地日月水火之神菩提場中各說偈讚佛得大解脫門爲華嚴之嚴衛僧人昭事神必欽依髡髮無傷帝然之

帝詔元一與道士持論元一攻其竊釋孔之言上悅

帝問僧佛牙真僞僧無對帝云真僞自分明諸人付錯解

帝命僧念無量壽王陀羅尼經能念者賜

疋帛稱賞

帝召東宮云海雲是汝師居住金田宜加崇飾由是鼎新慶壽大刹

帝出郊狩南花園云此處宜建梵刹段相依命脩造出狩回駕寺已周圓

帝顯正摧邪命除道德經外餘皆焚毀以絕其妄宰臣奏分揀道藏檢出馬湘詩云樹連滄海水連雲昔有殷周李老君人說是非皆不定五千言外更無文符合上意龍顏大悅制焚之

本五

帝領行玉音詔昊天講主云聞朕在世誠約學徒究明佛法母令減滅

峩眉普賢道場缺大藏經

命張大師徑從驛騎遍相迎送佛法流通福覃西蜀上都道士等奏與釋教定邪正

帝云勝負如何賞罰道士云義墮者斬首

帝曰不然義墮者削髮爲僧

宋主以王位來歸學佛脩行

帝大悅命削髮爲僧寶焉

聖安寶長老送瑞像至內心不之悅

帝云此是皇家佛汝心何懊惱帝面與三

十二錠白金以表三十二相也

宋太后削髮爲尼誦經脩道

帝深加敬仰四事供養

帝宣宋室二宮人至皆祝髮爲尼帝云三

寶中人也命歸山學佛脩行供送衣糧

帝設無遮會詔信講主說總聖名目帝云

即號無遮云何有數

宋主毳衣圓頂

帝命往西土討究大乘明即佛理

帝以金爲泥命僧儒繕寫大藏經一藏貯  
以七寶琅瑯流傳萬世

帝設資戒大會避使長爲僧之人使見認  
得欲取帝叱云已爲佛弟子誰復能爲主  
天竺進鉢

帝取食前珍味碎置鉢中內外侍從數滿  
千人各賜一粒普令得沾如來鉢中之禪  
悅

帝至香山山半有泉問僧此泉足僧用否  
僧回奏云日供一千僧流注尚無竭賜白

本五

金一錠命築亭蓋覆貲其利益

宋鎮庫栴檀方圓丈餘

帝曰鎮庫無益刻爲佛像利益人天

帝駕至香山栗園其栗方熟左右從駕萬  
人餘帝誠偷云此爲三寶物一箇不容拈

僧衆遠迎

帝駕帝曰往日僧人三詔不起今日僧人  
云何遠迎僧無對

帝設大會聞黎佛聲嚮亮帝曰如是佛音  
聲多少衆生生善心乃賜白金一錠

弘法寺藏經板歷年久遠

命諸山師德校正訛謬禹新嚴飾補足以  
傳無窮

帝一日云三人護法二已去了惟朕一人  
當今佛法愈隆愈盛

藏三十六藏遣使分賜皆令得瞻佛日

帝命帝師云去佛遙遠僧戒全虧可選諸  
路高僧賜紅黃大衣傳授薩婆多部大戒  
帝云菩薩戒本但解法師語者皆得傳受  
乃印造一千部流通散施普令大地衆生

皆奉如來寶戒

帝問揀壇主云何處爲寂上福田四奏云  
清涼帝云真佛境界乃建五大寺爲世福  
田

帝命逸林上師譯藥師壇法儀軌爲天下  
消八苦之灾增無量之壽  
帝設十萬僧會命十師對御說法賜白金  
十錠玉柱杖十條  
外邦貢佛舍利

帝云不獨朕一人得福乃於南城彰義門  
高建門塔普令往來皆得頂冀

帝命高僧重整大藏分大小乘再標芳號  
徧布天下

帝一統天下外邦他國皆歸至化帝印大

本五

十一

段張泓潤覓水突然涌出給濟不乏

臣佐奏以天下僧尼一例同民

帝問民籍若干府庫若干奏云不知上曰輔相治道固宜用心此乃不理而急於餉菜餕餡之僧人其事乃上

帝聞五教義帝云頓教即心是佛諸佛境

界凡夫不脩如何得到

帝見西僧經教與漢僧經教音韻不同疑其有異命兩土名德對辯一一無差帝曰積年疑滯今日決開故有法寶勘同

帝以佛教爲心厭化胡僞造歷代斷除莫

之遏絕嚴行天下焚毀無遺

釋迦如來真身舍利寶塔統御刹中計一十九所各頒錢帛廣加嚴飾大陳供養

帝嘗召群臣云朕以本覺無二真心治天

下國家如觀海東青取天鵝心無二故帝每齋日以南天竺佛盃置七寶珍羞瀆湛觀心廣脩供養

帝自有四海天下寺院田產二稅盡行蠲免普令繙侶安心辦道

天下寺院山林樹木徧諭玉音嚴加護持

母令所伐以嚴佛如來之境界

帝以俗制於僧失其崇敬徧諭天下各主綱維主掌教門護持佛法

臣下聞奏有俗僧人宜令同民帝令脩補

寺院以遮其過

帝主領天下頒降聖旨諭一切僧人不揀

甚麼差發休當遵依釋迦牟尼佛道子行持

阿含麻丞相奏天下僧尼頗多混濛精通

佛法可允爲僧無知無聞宣令例俗瞻巴  
師父奏云多人祝壽好多人生怒好

帝云多人祝壽好其事乃止

帝靈駕經宣德現大圓光周徧天界合境  
僧俗悉皆瞻禮蓋顯古佛示現之作用耳

本五  
主

已上百段  
出弘教集念常讚曰華嚴云菩薩住初地  
作大功德王以法化衆生慈心無損害統  
領閻浮提化行靡不及皆令住大捨成就  
佛智慧若欲廣分別億劫不能盡今觀弘  
教集載

大聖慈念群生特垂化迹能如是邪使唐  
虞再世亦無以加矣猗歟盛哉敬錄于前  
以曉來學云

成宗完者篤欽明廣孝皇帝即位於甲午  
四月十五日  
正月廿七日大赦

改元貞元年

丁酉二月廿七日大赦改大德

戊辰三月三日大赦

大德六年九月一日五臺山大萬聖祐國

世祖皇帝實錄百餘篇字字句句以弘教  
爲已任如有云朕以本覺無二真心治天  
下國家如觀海東青取天攜心無二故由  
此論之萬機之暇不離念佛念法念僧苟  
非

寺真覺國師歿師諱文才字仲華楊氏其  
先弘農人高曾以來世官壠抵父靜義金  
季爲清水主簿遂家焉少孤事母孝於書  
無所不讀性理之學尤其邃也故約而爲  
守蔚而成文辭氣雅健如古作者爲人沈

厚若素不讀書者至與士君子談接其辭辯其事詳其理盡出入經史滔滔然若河漢之決莫窺其底其講授經論得旨言外不屑屑於名數嘗曰學貴宗通言欲會意以意逆志爲得之矣語言文字糟粕之餘

本五

古

也豈有餘味哉彼狃於文字味其糟粕徒騁知見以記問自多殊不知支離其知穿鑿其見愈惑多岐不能冥會於道聽其說適足以熟耳而已豈能開人慧目乎所著懸談詳畧五卷肇論畧疏三卷惠燈集二

本五

古

見帝師喜曰佑國寺得其人矣詔師以釋源宗主兼居佑國師見帝師以辭曰某以何德猥蒙恩寵其居白馬已爲過分安能復居佑聖願選有德者爲之幸怜其誠以聞於上帝師不可曰此上命也上於此事

卷皆內據佛經外援儒老託譬取類其辭質而不華簡而詣取其達而已隱居成紀築室樹松將以終老然以行修乎邇德加乎遠雖自韜晦其道愈彰人尊其德不敢名以松堂稱之佛教之興始於洛陽白馬

臺東山之巖

用心至焉非汝其誰與居此吾教所繫汝其勉之居歲餘大德六年將如洛陽道真定館于某寺疾作九月一日歿年六十有二火後獲舍利者數百粒其徒歸葬於五

卯癸

增三月十六日詔定賦罪條例爲十二章及  
平陽六日太原官月俸外任公田祿米等〇八月  
地震

大德七年瞻巴金剗上師歿師名功嘉葛  
刺思此云普喜名聞又名瞻巴此云微妙  
西番突甘斯旦麻人幼孤依季父聞經止

啼知其非凡遣侍法王上師試以梵呪隨  
誦如流曰此子宿積聰慧異日當與衆生  
作大饒益年十二訓以前名自是經科呪  
式壇法明方靡不洞貫年二十四講演大  
喜樂本續等文四衆悅服上師令巴至西  
天竺國參禮古達麻室利習梵典盡得其  
傳初世祖居滑邸聞西國有綽理哲瓦道  
德願見之遂往西涼遣使請於廓丹大王  
王謂使者曰師已入滅有姪發思巴此云  
聖壽年方十六深通佛法請以應命至都

旬日即乞西還上召問曰師之佛法比牀  
如何曰牀之佛法如大海水吾所得者以  
指點水於舌而已問答允稱上喜曰師年  
雖少種性不凡願爲朕留當求戒法尋禮  
爲師巴入中國詔居五臺壽寧壬申留京

師王公咸稟妙戒初天兵南下襄城居民  
禱真武降筆云有大黑神領兵西北方來  
吾亦當避於是列城望風欵附兵不血刃  
至於破常州多見黑神出入其家民罔知  
故實乃摩訶葛刺神也此云大黑蓋師祖

本五

六

父七世事神甚謹隨禱而應此助國之驗  
也乙亥師具以聞有旨建神廟於涿之陽  
結構橫麗神像威嚴凡水旱蝗疫民禱嚮  
應辛巳歲師得道藏化胡經并八十一化  
圖幻惑妄誕師乃嘆曰以邪惑正如此者

遂奏聞召教禪大德及翰林承制等詣長春宮辯證錄明辨僞詔下諸路除道德經外其餘僞文盡令焚毀至壬午師力乞西歸上不能留初相哥受師戒繼爲帝師門人屢有言其豪橫自肆者師責而不悛由是御

之逮登相位懼師謙直必言于上乃先入巧言諧師故有是請首於雲中次至西夏以及臨洮求法益衆未幾權臣復諧令歸本國師至故里閱六寒暑己丑相哥遣使傳召還都於聖安寺安置四月赴省聽旨令往潮州師忻然引侍僧普監藏子身乘驛即日南向及出都門雷雨冥晦由汴涉江泊于閩廣所至州城俱沾戒法八月抵潮陽館于開元寺有樞使月的迷失奉旨南征初不知佛其妻得奇疾醫禱無驗聞

師之道禮請至再師臨其家盡取其巫覡繪像焚之以所持數珠加患者身驚泣乃甦旦曰夢中見一黑惡形人釋我而去使軍中得報喜甚遂能勝敵由是傾心佛化師謂門人曰潮乃大顛韓子論道之處宜

建刹利生因得城南淨樂寺故基將求材未知其計寺先有河斷流既久庚寅五月大雨傾注河流暴溢適有良材泛集充斥見者驚詫咸謂鬼輸神運焉樞使董工興創殿宇既完師手塑梵像齋萬僧以慶贊之嘗謂昔監藏曰吾不以有他往宜速成此寺後師還都奏田二十頃賜額寶積焉未幾召還相哥已伏誅矣癸巳夏五上患股召師於內殿建觀音獅子吼道場七日而愈施白金五十錠叙及相哥諧師之語

師以宿業爲對宰臣莫不駭服上謂師曰  
師昔勸朕五臺建寺令遣侍臣伯顏司天  
監蘇和卿等相視山形以圖呈師師曰此  
非小緣陛下發心寺即成就未幾上宴駕  
甲午四月成宗皇帝踐祚遣使召師師至

慶賀畢奏曰昔成吉思皇帝有國之日疆  
土未廣尚不徵僧道稅糧今日四海混同  
萬邦入貢豈因微利而棄成規倘蠲其賦  
則身安志專庶可勤脩報國上曰師與丞  
相完澤商議奏曰此謀出於中書省官自  
非聖裁他議何益上良久曰明日月旦就  
大安閣釋迦舍利像前脩設好事師宜早  
至翌日師登內閣次帝師坐令必闍赤朗  
宣勅旨顧問師曰今已免和上稅糧心歡  
喜否師起謝曰天下僧人咸沾聖澤元貞

乙未四月奉詔住大護國仁王寺勅太府  
具駕前儀仗百官護送寺乃昭睿順聖皇  
后所建其嚴好若天宮內苑移下人間是  
年遣使詔師問曰海都軍馬犯西番界師  
於佛事中能退降否奏曰但禱摩訶葛刺

自然有驗復問曰於何處建壇對曰高梁  
河西止龜山有寺僻靜可習禪觀勅省府  
供給嚴護令丞相答失蠻上親染宸翰云  
這勾當怎生用心師理會者師的勾當朕  
理會得也於是建曼拏羅依法作觀未幾

捷報至上大悅壬寅春二月帝幸柳林遘  
疾遣使召云師如想朕願師一來師至幸  
所就行殿脩觀法七晝夜聖體乃瘳勅天  
下僧寺普閱藏經仍降香幣等施即大赦  
天下上曰賴師攝護朕體已安即解頸七

寶牌爲施皇后亦解寶珠瓔珞施之并施尚乘車輦驃馬白玉鞍轡金曼答喇黃白金各一錠官幣十八疋御前校尉十人爲師前導三月二十四日大駕壯巡命師象與行駕前道過雲州龍門師謂徒衆曰此

本五

十九

地龍物所都或興風雨恐驚乘輿汝等密持神咒以待之至暮雷電果作四野震怖獨行殿一境無虞至上海近臣咸謝曰龍門之恐賴師以安癸卯夏師示疾上遣御醫候視師笑曰色身有限藥豈能留五月

不計其數輪珠坐幢如故因奏加歎勅大都留守率承應伎樂迎舍利歸葬仁王寺之慶安塔焉世壽七十有四僧臘六十二祕密之教彼土以大持金剛爲始祖累傳至師益顯故有金剛上師之號焉

申武宗曲律仁惠宣孝皇帝即位改至大

月廿五日大赦瑞像計二千三百年矣

配造至大銀鈔十月詔鑄大元通寶錢及至大二年內翰趙孟頫奉

勅謨臨濟正宗之碑

十八日師問左右今正何時對曰日當午矣師即斂容端坐面西而逝上聞悲悼不勝賜沉檀衆香就上海慶安寺結塔荼毘王及四衆莫不哀惻是月二十九日勅丞相答失蠻開視焚塔見師頂骨不壞舍利

佛法大智慧破一切有以大圓覺攝一切空以大慈悲度一切衆始於不言而至於無所不言無所不言而至於無言夫道非言不傳傳而不以言則道在言語之外矣是爲佛法最上乘如以薪傳火薪盡而

火不窮也故世尊拈花迦葉微笑一喫之  
項超然獨得尚何可以言語求哉自摩訶  
迦葉廿八傳而爲菩提達磨始入中國居  
嵩山少林寺面壁坐者九年達磨六傳而  
爲能能十傳爲臨濟臨濟生于曹州遊學

本五

二十一

江右事黃櫟問佛法的大意櫟便打如  
是三問三度被打辭往大愚理前話云不  
知過在甚麼處愚曰黃櫟恁麼老婆爲汝  
得徹困猶覓過在師言下大悟歸鎮州築  
室滹沱河之上今臨濟院是也因號臨濟

院顥三傳爲風穴沼四傳爲首山念又五  
傳爲五祖演演傳天目齊齊傳懶牛和和  
傳竹林寶寶傳竹林安安傳海西堂容菴  
容菴傳中和璋璋傳海雲大宗師簡公海  
雲性與道合心與法冥細無不入大無不  
包師住臨濟院能系祖傳以正道統佛法  
蓋至此而中興焉當

世祖聖德神功文武皇帝在潛邸數屈至  
尊請問道要雖其言徃復紬繹而獨以慈  
愛不殺爲本師之大弟子二人曰可菴朗

本五

三

贖菴傑朗公度華菴滿及太傅劉文貞傑  
公度西雲大宗師安公師以文貞公機智  
弘達使事

世祖皇帝當是時君臣相得策定天下深  
功厚德祖於元元卒爲佐命之臣皆自此  
所傳號爲正宗一傳爲興化獎再傳爲南

賢之也

元貞元年

成宗有詔迎西雲住天都大慶壽寺進承  
清問經歷三朝發撝玄言得諸佛智懸判  
三乘如一二數由是臨濟之道愈擴而大

今皇帝欽承

祖武獨明妙心刻玉爲印以賜西雲其文  
曰臨濟正宗之印特加師榮祿大夫大司  
空領臨濟一宗事仍詔立碑臨濟院且命  
臣孟頫爲文稱揚佛祖之道以示不朽臣

世祖誕膺天命威震九有維佛是敬聞師  
之名若古賢聖嘗進一言深入聖聽不殺  
之仁其利甚弘俾大弟子爲帝股肱至西  
雲公能嗣其業據獅子座爲衆演說聞者  
讚歎信者鄉風得者如寶悟者如空

今皇帝聖深契道要曰臨濟宗繫爾能紹  
即心即佛時迺世守傳不以言而以心受  
皇帝萬年正法永傳尚迪後人勿昧其原  
勅賜乞台薩里神道碑趙子昂爲文其略  
曰

本五

三

太祖皇帝既受天命略定西北諸國回鶻  
最彊寃先附遂詔其主亦都護第五子與  
諸皇子約爲兄弟寵異冠諸國自是有一  
才一藝者畢效於朝至元大德間在位之  
臣非有攻城戰野之功斬將搴旗之勇而  
六世是爲海雲坐祖道場能紹厥聞維我

道包儒釋學際天人寄天子之腹心繫生  
民之休戚者惟趙國文定公而已  
今上皇帝臨御之七年始行褒疋之典於  
是贈公祖父官爵勲封越明年復賜碑墓  
道命臣孟頫爲之文當

世祖時公爲平章政事臣爲兵部郎中趨  
走省闈識公爲舊承言論政知公爲詳敢  
不抵奉  
明詔公諱乞台薩里早受浮圖法於智全  
末利可吾坡地沙圓通辨悟當時咸推讓  
之累贈純誠守正功臣太保儀同三司上  
柱國追封趙國公謚通敏又從國師八思  
馬學密乘不數月盡通其書旁達諸國及  
漢語二世祖知其材俾習漢文書領之遂  
通諸經史百家若陰陽曆數圖繩方技之

說靡不精詣會國師西還携與俱歲餘乞  
本五歸省師送之曰以汝之學非爲我佛弟子  
者我敢受汝琴耶勉事聖君相泣而別比  
至闕師已上書薦之

裕宗得名入宿衛日以筆札侍左右至元

二十年冬有二僧西來見自言知天象上  
名通象胥者數輩與語莫能解有脫烈者  
言公可使立名與語僧乃屈謝不如上大  
悅明年夏擢朝列大夫左侍儀奉御秋置  
集賢館命公領集賢公請以司徒撒里巒

領之乃以公爲中順大夫集賢館學士兼  
太史院事明年夏遷嘉議大夫明年春升  
集賢大學士中奉大夫明年春進資德大  
夫尚書右丞並兼太史院事冬拜榮祿大  
夫平章政事兼集賢大學士太史院使廿

八年乞解機務以爲集賢大學士三十年  
加領太史院事自初授官至是凡八遷並  
兼左侍儀奉御明年

世祖登遜

裕聖皇后命公師翰林集賢太常禮官備  
禮冊立

成宗即皇帝位明年春以翊戴功加守司  
徒大德三年復拜平章政事十一年春

成宗宴駕哀慟成疾秋八月十有七日薨  
于大都發祥里第季六十三以是月日葬

城西南岡子原

勅賜佛國普安溫禪師塔銘侍書奎章閣  
虞集撰其略曰師諱至溫字其玉一號全  
一邢州郝氏子也幼聰敏異常兒年六歲  
其母携之至龐馬村見寐照和尚於淨土

遂得法焉常以侍者代應對談鋒之利不  
可犯時人已深期之故太保劉文貞公長  
師一歲少時相好也劉公厭世故思學道  
師勸之爲僧同參西京寶勝明公既而爲  
世祖知遇侍幃幄爲謀臣薦師可大用得

院察照曰汝其爲釋氏乎師心許之會察  
照避亂去隱遼西迺禮寂照弟子辨菴訥  
而祝髮焉無還富公主淨土蒞衆甚嚴師  
不以爲忤庚寅之歲無還開法萬壽師與  
十僧同往佐之萬松某公以青州辨公宗  
旨開示法要門庭高廣四方尊之師見萬  
松始以才氣過人稍不容於衆然而博記  
多聞論辨無礙百家諸子之言多所涉獵  
又善草書有顛素之遺法年才十有五爲  
萬松侍者凡萬松偈頌法語一聞輒了之

召見與語大悅將授以官弗受曰天下佛法流通臣僧之願富貴非所望也留王庭多有贊益居三歲遣還出賜金資日用不計其費時

憲宗命海雲主釋教

詔天下作資戒會師持

旨宣布中外而輔成之

世祖征雲南還劉公請承制錫師號曰佛國普安大禪師總攝關西五路河南南京等路太原府路邢洛磁懷孟等州僧尼之

事刻印以賜師銳意衛教凡僧之田廬見侵於豪富及他教者皆力歸之馳馳四出周於所履必獲其志乃已自其門人或勸之少憩弗解也  
憲宗末年僧道士有諱各爲違言以相危

上命聚訟於和林剖決真僞師從少林諸師辨之道士義墮剃鬚髮者十七人道宮之復爲者以千百計中統建元釋教大盛僧衆賴之甚思師之功焉而師遂納印辭職每歲官賜金脩寺之外世味泊如也至

元丁卯五月二十二日以疾終於桓州之天宮寺西向右脇而化當暑儀形如生更有異香三日火浴之心舌牙不壞衆庶培其地深數尺猶得舍利云世壽五十一僧臘四十臣聞

世祖皇帝聖度如天善馭豪傑自在

潛邸至於混一海內天下之人材大小畢至以足其任使故其功業之盛巍巍然赫赫然三代而下帝王未有或之及也浮圖氏以寂滅爲宗而材器文辯如溫公亦豈

常人之流哉敢叙而表之以見夫興王之運其人如此銘曰維昔世皇始開平作其潛藩有宮有城顧瞻東隅泉甘土厚蜿蜒來止屬垣負阜命建仁祠龍光是名權輿來戶僧有豪英氣如虹霓辨若風雨縱

卷五

主六

橫凌厲莫敢余侮

世皇有爲群策是稽召見從容出其端倪善其利器俾反初服報德不回屹若孤鵠林林釋徒稟教以居孰爲紛更入主出罕天子有命存完去駁我馳我驅立折其角

博爾忽赤老溫俱以忠勇佐

太祖時號掇里班曲律猶漢言四傑也太祖行次東印度

鐵門關侍衛者見一獸鹿形馬尾綠色而獨角能爲人言汝軍宜早迴

卷五

主七

燕趙之間至於陝關我田我廬匪歸匪艱世皇御一民用寧一而釋之門既據既息時龍光師燕居弗馳散其緒餘爲書爲詩揚宗風書縱逸趣沛將有述棄而遽去維時名僧至於公卿有誄有辭失之若驚

垂八十年英標如在誰知表之嗣者七代義舉有聞天子喜之史臣屬辭以係遐思  
音幾正月行使歷代舊錢○十月十八日大赦  
大師魯國忠武王木華黎身長七尺虎首虬鬚黑面多謀略雄勇冠一時與博爾木

博爾忽赤老溫俱以忠勇佐  
太祖時號掇里班曲律猶漢言四傑也  
太祖行次東印度  
鐵門關侍衛者見一獸鹿形馬尾綠色而  
獨角能爲人言汝軍宜早迴

卷五

主七

上怪問耶律晉卿楚才奏曰此獸名角觨音端日行一萬八千里解四夷語是惡殺之象蓋上天遣之以告陛下願承天心有此數國人命寔陛下無疆之福即日下詔班

師右出本朝切臣事略

佛祖歷代通載卷第三十五

音釋